



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

8 g Kilian Bischoff vnd Marterer zů Würtzburg/ mit seinen Gesellen.

urn:nbn:de:hbz:466:1-41449

drey Kindern in Welschland / vnnnd verschid zu Luca.
 Wilibaldus aber / nach langer Pilgerfart vnnnd besü-
 chung der heyligen Stätt zu Jerusalem vnnnd im heyli-
 gen Land / kam gen Meins zu S. Bonifacio / war dar-
 nach Bischoff zu Eystet im Bayerland / vnnnd verschid Anno Dñi
 endlich im feiden. Ward von seinem Bruder Wuni- 781.
 baldo in das Münster begraben / da seine Reliquien noch
 heut zu tag im Altar bewahret seind.

Item in Engeland des H. Bischoffs Hedde.

Item die erhebung des heyligen Thome Erbsi-
 schoffs zu Cantelberg vnd Marterers / von welchem am
 29. Christmonats weyter.

Item der H. Junckfrawen vnd Ebtissin Edilbur-
 ge / welche ein Tochter war des Königs der Dientischen
 Engländer / von deren S. Beda schreibt.

Item die erhebung der H. Witfrawen Begge.

Item zu Aruern des heyligen Bischoffs vñ Beich-
 tigers Illidij.

g viij. Idus Iulij.

Der VIII. Tag im Hermonat.

Zu Würzburg ist heut der Tag des heyligen Bi-
 schoffs vnnnd Marterers Kiliani / der ein Edler
 Schotländer geboren / inn der jugendt alles ver-
 lieh / vnnnd ein heyliger Münch / vnnnd darnach ein Prie-
 ster ward / der das Kloster regieren mußte. Da nun
 sein güt Gerücht groß ward / zog er ins Teutschland /
 damit er das Menschlich lob vermitte / kam also mit
 dem heyligen Priester Colonano / vnnnd dem Diacon
 Lotnano gen Würzburg in Franckenland / vnnnd die-

Da iij

weil

Julius

weil er das Volk in grober Abgötterey vertieffe fand/
macht ihn der Papsst zum Bischoff/vnd gab ihm gewalt
zupredigen. Hat also den Herzog in Francken sampt
allem seinem Volk belöhret. Da er aber den Herzog
straffet/das er ein vnehilich Weib zu seiner Frauen hiel-
te/vnd der Herzog sie mitlerzeit zuuerlassen vorhabens
war/aber darüber in ferre Land zoge / stiftet dasselb vn-
ehilich Weib an/das der H. Kilianus / auch Colona-
nus vnd Totnanus (deren gedächtnuß auch hie gehal-
ten wirdt) vmb Mitternacht ellendigklich ermordt war-
den/vnder dem Richter Gozberto.

Anno Dñi
560.

Actoz. 18.
Rom. 16.
1. Cor. 16.

Item in dem klainern Asia des heyligen Aquile/
vnd seines Weibs Pisceille / welche von den heyligen
Aposteln im Glauben vnderwisen / den ersten frommen
Christen trewlich dieneteten.

Item in Palestina der Geburtstag des heyligen
Marterers Procopij / war mit Keuschheit vnd erbarn
Sitten vast gezieret / Casteyet auch sehr seinen Leib/das
er offte vber drey Tag / ja auch nach einer Wochen mit
Wasser vnd Brot sich benügen ließ. Vnd da er den
den Götzen nicht opffern wolt / ist er endlich vonn Ni-
copoli gen Cesarea geführt / vnd vnder dem Kayser
Diocletiano vnd dem Richter Sabiano enthaupt wor-
den.

Anno Dñi
253.

Item die erst erhebung der heyligen Junckfrawen
vnd Marterin Barbare / zu Nicomedia / an dem orth
srer begräbnuß/von deren weyter am vierten tag Christi-
monats.

Item der H. Junckfrawen Summiue / vnd ihrer
Gesellen/welche von Irland aufgangen/vnd die Mar-
terkron in Norwegen empfangen haben.

Item der H. Marterer Epictici des Priesters / vñ
Astonis

Aktionis des Münchs/welche zur zeit des Kaisers Diocletiani in die Grentz Scythie kamen/ vmb Christliches Glaubens willen daselbst gefangen worden/ vnd in aller pein/ so man ihnen ant hete/ zum offtermalen dise Wort redten: O du Tyrann/wir sein Christen/der will onfers Gottes geschehe in vns. Seind nach langer Marter enthaupt worden.

Item zu Trier des heyligen Bischoffs vnd Beichtigers Auspicij.

Item des H. Bischoffs vñ Beichtigers Disibodi.

Item des heyligen Wasonis Bischoffs zu Lüttich vnd Beichtigers.

Item in der Statt Rothomago die erhebung des heyligen Bischoffs vnd Beichtigers Euodij/ von welchem weiter am 8. Weinmonats.

Item des H. Marterers Pauli zu Constantinopel.

Item zu Gemblach die ankunfft des Leibs Sancte Cruperij des Thebeischen Heers Sanderichs vnd Ehrwürdigen Marterers.

Item zu Augusta Viromandorum die erfindung des Leibs S. Quinctini des Marterers.

Item in dem Kloster Belisia des heyligen Junckfrawen Landrade.

Item in Pinciacenser Landschaft des H. Marterers Romij.

A vij. Idus Iulij.

Der IX. Tag im Hewmonat.

Sicut ist der acht Tag der heimsüchung **MARCE**
der hochgelobten Junckfrawen.

Na v

Item